

«Қазақстан Республикасы
теміржолшыларының кәсіби одағы»
қоғамдық бірлестігінің 2000 жылғы
21 қыркүйектегі IV съезімен
өзгерістерімен және
толықтыруларымен бекітілген

«Қазақстан Республикасы
теміржолшыларының кәсіби одағы»
қоғамдық бірлестігінің 2010 жылғы
29 қыркүйектегі VI съезінде өзгерістерімен
және толықтыруларымен бекітілген

Қазақстан Республикасының көлік саласы
кәсіби одақтарының 2014 жылғы
12 желтоқсандағы Біріктіруші съезінде
өзгерістерімен және толықтыруларымен
бекітілген

«Қазақстандық салалық теміржол,
автомобиль, әуе және су көлігі
қызметкерлерінің кәсіби одағы» қоғамдық
бірлестігі Орталық Кеңесінің 2016 жылғы 21
қазандағы №4.п.1. қаулысымен бекітілген

«Қазақстандық салалық теміржол,
автомобиль, әуе және су көлігі
қызметкерлерінің кәсіби одағы» қоғамдық
бірлестігі Орталық Кеңесінің 2022 жылғы
19 қаңтардағы №3.п.2. қаулысымен
өзгерістер мен толықтырулар енгізілген

**«Қазақстандық салалық теміржол, автомобиль, әуе және
су көлігі қызметкерлерінің кәсіби одағы» қоғамдық
бірлестігінің филиалы туралы
ЕРЕЖЕ**

1. ЖАЛПЫ ЕРЕЖЕЛЕР

1.1. «Қазақстандық салалық теміржол, автомобиль, әуе және су көлігі қызметкерлерінің кәсіби одағы» қоғамдық бірлестігінің филиалы (әрі қарай – Филиал) өзінің ішкі құрылымы бастауыш ұйымдарымен «Қазақстандық салалық теміржол, автомобиль, әуе және су көлігі қызметкерлерінің кәсіби одағы» қоғамдық бірлестігінің (әрі қарай – Кәсіподақ) құрылымдық бөлімшесі болып табылады және өндірістік-салалық немесе аумақтық (аймақтық) қағидаттар бойынша бастауыш ұйымдардың келісімімен Кәсіподақ Орталық Кеңесінің шешімімен конференцияда құрылады.

1.2. Филиалдың аумақтық шекаралары мен филиалдың есебінде тұрған бастауыш ұйымдарының тізбесін Кәсіподақтың Орталық Кеңесі бекітеді.

1.3. Филиалдың ресми атауы:

мемлекеттік тілде: «Қазақстандық салалық теміржол, автомобиль, әуе және су көлігі қызметкерлерінің кәсіби одағы» қоғамдық бірлестігінің филиалы;

орыс тілінде: Филиал общественного объединения "Казахстанский отраслевой профессиональный союз работников железнодорожного, автомобильного, воздушного и водного транспорта".

1.4. Филиалдың мекен-жайы:

1.5. Заңды тұлғаның толық атауы:

мемлекеттік тілде: «Қазақстандық салалық теміржол, автомобиль, әуе және су көлігі қызметкерлерінің кәсіби одағы» қоғамдық бірлестігі;

орыс тілінде: Общественное объединение "Казахстанский отраслевой профессиональный союз работников железнодорожного, автомобильного, воздушного и водного транспорта".

1.6. Филиалды құрған заңды тұлғаның мекен-жайы: пошталық индексі 010000, Қазақстан Республикасы, Нұр-Сұлтан қаласы, Есіл ауданы, Д. Қонаев көшесі, 6.

1.7. Заңды тұлғаны тіркеу туралы деректер: Тіркелген заңды тұлға 2015 жылғы 18 маусымдағы анықтама, БСН 920640000439.

1.8. Филиал қызметінің мәні: Кәсіподақ мүшелерінің жеке, кәсіби және әлеуметтік-экономикалық құқықтары мен мүдделерін білдіру, көрсету және қорғау, қайырымдылық акцияларына, мәдени және спорттық-сауықтыру іс-шараларын өткізуге қатысу.

1.9. Филиалдың банктерде есеп шоттар ашуға, Орталық Кеңес белгілеген үлгідегі мөрге, бланкілерге, мөртаңбаға құқығы бар.

1.10. Филиал өз жұмысын Қазақстан Республикасының Конституциясына, Заңдарына, Кәсіподақ Жарғысына және осы Ережеге сәйкес атқарады.

1.11. Филиал өз іс-әрекетінде мемлекеттік органдардан, жұмыс берушілерден, саяси және басқа да қоғамдық бірлестіктерден тәуелсіз, оларға есеп бермейді әрі олармен бақыланбайды, олармен қарым-қатынасты әлеуметтік әріптестік қағидаттары бойынша құрады.

2. ФИЛИАЛ ОРГАНДАРЫ

2.1. Филиалдың жоғары органы болып бес жылда кемінде бір рет шақырылатын конференция табылады.

Кезектен тыс конференция Филиал Кеңесінің бастамасы бойынша, Кәсіподақтың ОК ұсынысы бойынша немесе Филиалда есепте тұрған және/немесе кәсіптік қызмет көрсетілетін Кәсіподақтың бастауыш ұйымдарының 1/3 талап етуі бойынша шақырылады.

Есептік-сайлау науқаны «Қазақстандық салалық теміржол, автомобиль, әуе және су көлігі қызметкерлерінің кәсіби одағы» қоғамдық бірлестігінің кәсіподақ органдарында есептік-сайлау науқанын жүргізу жөніндегі нұсқаулықтың талаптарына қатаң сәйкестікте жүргізіледі.

2.2. Конференцияның шақырылуы, күні, болжамалы күн тәртібі туралы оның ашылуына кемінде екі апта қалғанда, ал кезектен тыс өткізілгенде кемінде бір апта алдын-ала хабарланады. Өкілдік нормалары және конференцияға делегаттарды сайлау тәртібі тиісті Кәсіподақ филиалы Кеңесінің шешімімен белгіленеді. Конференция жұмысына сайланған делегаттардың ең кемінде үштен екісі қатысса, ол құқылы болып саналады.

2.3. Филиал конференциясы:

- сайлау органының және ревизиялық комиссияның қызметі туралы есепті тыңдайды;
- Филиал қызметінің негізгі бағыттарын айқындайды;
- Филиал төрағасын сайлайды;
- Филиал ревизиялық комиссиясының мүшелерін сайлайды;
- Филиал Кеңесінің мүшелерін сайлайды;
- Филиал қызметіне қатысты кез келген басқа мәселелерді шешеді.

2.4. Конференциялар аралығындағы кезеңде филиалдың басқару органы болып төраға басқаратын Кеңес саналады.

2.4.1. Кеңес мәжілістері қажеттілігіне байланысты, бірақ жылына кемінде екі рет өткізіледі, және оның мүшелерінің жартысынан көбі қатысса құқылы болып саналады.

2.4.2. Кеңес:

- өз жұмысын Кәсіподақтың, оның бастауыш ұйымдарының алдында тұрған мақсаттары мен міндеттерін ескере отырып ұйымдастырады, олардың қызметін үйлестіреді, оларға тәжірибелік көмек пен қолдау көрсетеді, олардың мүдделерін және кәсіподақ мүшелерінің мүдделерін тиісті мемлекеттік, сот органдарында, жұмыс берушілердің алдында қорғайды;
- жұмыс берушілермен немесе олардың атынан сөйлейтін тұлғалармен ұжымдық келіссөздер жүргізеді, келісім жасайды, олардың орындалуын қадағалайды;
- қажет болған жағдайларды қосымша сайлау өткізеді немесе оның құрамына бастауыш ұйымдар сайланған кеңес мүшелерінің өкілеттілігін растайды;
- филиал төрағасының орынбасарын (орынбасарларын) сайлайды;
- филиал төрағасының өкілеттілігі мерзімінен бұрын тоқтатылса, оны қайта сайлайды және қызметінен босатады;- ағымдағы жұмысты ұйымдастыру үшін Атқарушы комитет (Атқарушы комитет) сайлайды;
- Кәсіподақтың Орталық Кеңесінің құрамына кандидаттар сайлайды;

- Кәсіподақтың Орталық Кеңесінің Атқарушы комитетімен келісе отырып, Кәсіподақ бюджетінің сметасын және аппараттың жалдамалы қызметкерлерінің санын бекітеді;
- Кәсіподақтың бастауыш ұйымдарын есепке және кәсіби қызмет көрсетуге қою, сондай-ақ есептен және кәсіби қызмет көрсетуден шығару туралы шешімдер қабылдайды;
- филиал конференциясын шақыру жөнінде шешім қабылдайды, бастауыш ұйымдардың конференцияға қатысатын делегаттарына және Кеңес құрамына кіретін өкілдеріне сайлау квотасын белгілейді, егерде ол тікелей сайлау арқылы ұйымдастырылатын болса;
- филиалдың және оның құрамына кіретін бастауыш ұйымдардың жарғылық қызметіне байланысты басқа да мәселелерді шешеді;
- өз қызметінде филиал конференциясына және Кәсіподақтың Орталық Кеңесіне есеп береді.

2.5. Атқарушы комитет:

- съездің, конференциялардың, филиал мен Кәсіподақтың сайланбалы органдарының шешімдерін, өз шешімдерін іске асыру жөнінде нақты әрекеттерді белгілейді және жүзеге асырады әрі олардың орындалуын бақылайды;
- мемлекеттік органдармен және жұмыс берушілермен келіссөз жүргізу үшін өз өкілдерін жібереді;
- бастауыш ұйымдардың, Кәсіподақ мүшелерінің мүдделерін тиісті мемлекеттік және сот органдарында, жұмыс берушілердің алдында білдіреді және қорғайды, талаптық өтініштермен сотқа сұрау салады;
- әлеуметтік саясат саласында кәсіпорындардың, мекемелердің экономикалық және қаржылық жағдайына талдау жасайды, осы факторлардың Кәсіподақ мүшелерінің әл-ауқатының деңгейі мен әлеуметтік жағдайына қандай ықпал ететініне талдау жасайды және соның негізінде ұсыныстар дайындайды;
- заңнамаға сәйкес жиналыстарды, митингтерді, көшеде өткізілетін шерулерді, демонстрациялар мен басқа да ұжымдық әрекеттерді кәсіподақ мүшелерінің құқықтары мен әлеуметтік-экономикалық қорғау үшін ұйымдастырады;
- жұмыспен қамтамасыз ету жөніндегі аумақтық бағдарламаны дайындауға қатысады, саладағы кәсіпорындардан босаған адамдарды әлеуметтік қорғау туралы шараларды ұсынады, еңбек туралы заңнаманың және жұмыспен қамтамасыз ету туралы заңнаманың орындалуына бақылау жүргізеді;
- бастауыш ұйымдардың қаржы қызметін, Жарғының және Кәсіподақтың жоғары органдарының шешімдерінің орындалуын үйлестіреді және бақылау жасайды;
- бастауыш ұйымдардың балансын бекітеді;
- төмен тұрған Кәсіподақ ұйымдары мен кәсіби органдардың Жарғыға және Кәсіподақ алқалы органдары қабылдаған шешімдеріне қайшы келген қаулылардың күшін жояды, осындай шешімдердің мәні жайында Кәсіподақ мүшелерін хабарландырады;
- бастауыш ұйым төрағасының Жарғының кәсіби органдар шешімінің орындалуына байланысты жеке жауапкершілігі жөніндегі мәселені қарайды.

Кәсіподақ Жарғысын өрескел бұзған жағдайда, оны қызметінен мерзімінен бұрын босату жөнінде немесе бүкіл кәсіподақ комитетінің құрамын қайта сайлау туралы ұсыныс енгізеді;

- кәсіподақ кадрлары мен активінің оқуын ұйымдастырады және өткізеді, жұмыс тәжірибесін зерделейді және таратады;
- қаржы қызметін жүргізеді, бекітілген сметаларға сәйкес ақшалай қаржыларды жұмсайды, Кәсіподақ мүлкін пайдаланады;
- Кәсіподақ Орталық Кеңесіне статистикалық және қаржылық есепті уақытында тапсырады, қаржы саясаты жөніндегі шешімдердің орындалуын қамтамасыз етеді;
- Кеңес мәжілісін шақырады және оның өткізілуін ұйымдастырады;
- Кәсіподақ Жарғысымен қарастырылған және Кеңес берген басқа да функцияларды атқарады;

2.5.1. Атқарушы комитеттің мәжілістері қажеттілігіне қарай, бірақ тоқсанына ең кемінде бір рет өткізіледі және олардың жұмысына оның мүшелерінің жартысынан көбі қатысса құқылы болып саналады;

2.6. Егер басқа шарттар Жарғымен қаралмаған болса, конференциялардың, Кеңестердің, Атқарушы комитеттің мәжілістерінің шешімдері делегаттардың, Кеңес, Атқарушы комитет мүшелерінің дауыстарының басымдылығымен, қабылданады;

2.7. Филиал төрағасы:

- Атқарушы комитеттің жұмысын ұйымдастырады;
- Кәсіподақтың филиалы атынан іс-әрекеттерді жүзеге асырады, оның мүдделерін және Кәсіподақ мүшелерінің мүдделерін мемлекет органдарында, жұмыс берушінің алдында және басқа мекемелер мен органдарда қорғайды;
- штаттық аппаратты басқаруды жүзеге асырады, аппараттың штаттық қызметкерлерімен және есепте тұрған және кәсіби қызмет көрсетілетін Филиалдың бастауыш кәсіподақ ұйымдарының төрағаларымен еңбек шарттарын жасайды және бұзады;
- филиал Кеңесімен және Кәсіподақтың Орталық Кеңесімен белгіленген өкілеттілік шегінде қаржы іс-әрекеттерін және ақша операцияларын жүзеге асырады, банк мекемелерінде есеп айырысу мен басқа да шоттарын ашады;
- қолданылып жүрген заңнама, конференция, Кәсіподақтың басқару органдарының шешімдері мен берілген құқықтар шегінде Кәсіподақтың мақсаттары мен міндеттерін жүзеге асыру үшін басқа да іс-әрекеттер жасайды.

2.8. Филиал органдарының өкілеттілік мерзімі – бес жыл.

Филиал төрағасымен еңбек шартын Кәсіподақ атынан Кәсіподақтың атынаң Кәсіподақтың төрағасы бекітеді және қол қояды.

3. КӘСІПОДАҚ МҮЛІГІН ЖӘНЕ АҚША ҚАРАЖАТЫН ПАЙДАЛАНУДЫҢ ТӘРТІБІ, ФИЛИАЛДЫҢ ҚАРЖЫ ҚЫЗМЕТІ

3.1. Филиал заңды тұлға болып табылмайды және оған Кәсіподақтың мүлкі беріледі және ол бекіткен ереже негізінде әрекет етеді.

3.2. Филиалдың ақша қаражаты келесілер:

- Кәсіподақ мүшелерінің жарналарының ай сайынғы аударымдары;
- ерікті жарналар және қайырымдылық көмек есебінен құралады.

3.3. Филиал өзінің сайлау органдары арқылы өзінің иелігіндегі құралдар мен мүлікті дербес пайдаланады, иеленеді.

3.4. Филиал төрағасы Филиалда есепте тұрған және/немесе кәсіби қызмет көрсетілетін Кәсіподақтың бастауыш ұйымдарынан келіп түсетін кәсіподаққа мүшелік жарналарының толық және уақытылы келіп түсуіне және оларды бөлу тәртібінің сақталуына бақылау жасайды.

3.5. Кәсіподақтың Орталық Кеңесіне қаржылық есеп бір жылда екі рет беріледі.

4. РЕВИЗИЯЛЫҚ КОМИССИЯ

4.1. Ревизиялық комиссия филиалдың конференциясында сайланады және өзінің қызметін Кәсіподақ съезінде бекітілген Кәсіподақ филиалының және оның ішкі құрылымы – бастауыш кәсіподақ ұйымдарының Ревизиялық комиссиясы туралы ережеге сәйкес жүргізеді.

5. ФИЛИАЛ ҚЫЗМЕТІН ТОҚТАТУ ТӘРТІБІ

5.1. Филиал:

- кейіннен Кәсіподақ Орталық Кеңесінің бекітуімен, конференцияның;
- жұмыс берушінің тиісті өндірістік құрылымдарының қызметі өзгерген немесе тоқтатылған жағдайларда немесе Кәсіподақ құрылымы өзгерген жағдайда Кәсіподақтың Орталық Кеңесінің шешімі бойынша;
- сот шешімі бойынша қайта құрылуы немесе жабылуы (қызметін тоқтатуы) мүмкін.

5.2. Филиалды жабу (қызметін тоқтату) туралы шешім:

- Конференцияда, кворум бар болып, конференция делегаттарының кемінде 2/3 оған дауыс берсе;
- Орталық Кеңесте, егер оған Орталық Кеңес мүшелерінің 50 %-ы және одан артығы дауыс берсе қабылданған болып саналады

5.3. Конференция хаттамасы шешім қабылданғаннан кейін үш күндік мерзімде Кәсіподақтың Орталық Кеңесіне жіберіледі.

Кәсіподақтың Орталық Кеңесі бұл мәселе бойынша 15 жұмыс күні ішінде шешім қабылдайды.

5.4. Филиалды жабу (қызметін тоқтату) туралы шешім қабылданған жағдайда Орталық Кеңес тарату комиссиясын тағайындайды, оның құрамына Кәсіподақтың Бақылау-ревизиялық комиссиясының мүшесі кіреді.

Тарату комиссиясы қолда бар мүлікті, ақшалай қаражатты бағалайды.

Тарату комиссиясының есебін Кәсіподақтың Орталық Кеңесінің Атқарушы комитеті бекітеді.

5.5. Кәсіподақ дебиторлармен және кредиторлармен, сайланбалы және штаттық қызметкерлермен есеп айырысу жүргізеді. Қалған мүлік пен ақшалай қаражат Кәсіподақ Жарғысымен көзделген мақсаттарға пайдаланылады.

5.6. Қабылданған шешім туралы тиісті әділет органдары хабардар етіледі.

6. ҚОРЫТЫНДЫ ЕРЕЖЕЛЕР

6.1. Филиал Кәсіподағының құрылымдық бөлімшесі бола отырып, өз қызметін Кәсіподақтың Жарғысына және осы Ережеге сәйкес жүргізеді. Филиалдың бөлек балансы, банкте есеп айырысу және басқа да шоттары, белгіленген үлгідегі бланктері, мөрі, мөртаңбасы бар.

6.2. Филиалдың осы Ережемен қаралған шекте дербес қызмет етуге құқықтары және өкілеттіктері бар.

6.3. Осы Ережеге түсінік беру құқығы Орталық Кеңеске тиесілі.